

太清境小劫經第十二

天地分形變化隨氣數運轉故有泰有否日月因天地以運行故有明闇圓缺星辰亦是而躔度故有或舍或次人受天地氣以生豈無災福故我說法當令汝等廣宣正道明其要法與諸天諸仙無量飛天大神無極聖衆同生讚嘆得聞是說上白

天尊曰未審下民若過災否作何功德修何行業得免離一切苦惱證無上道

天尊曰若欲求諸解脫永免輪迴離諸疑網惟有虔心者轉經文修諸功德禮拜懺悔讚嘆稱揚燒香燃燈造十絕繕行道講誦散施貧乏放諸生命六慾七情常無染著三業六根永不復作精思端寂念慮都捐往生天境快樂自在生大福堂若復有人若痛苦若官事禁繫枷鎖身被羅網瘴毒時氣災厄纏綿無由解脫及其過往神識尚處沈淪受地獄苦是經功德乃為無量更能廣發真心大施福力建立道場懸諸幡蓋齋戒懺悔修設齋筵徧及一切六道四生無王孤寡滯鬼等衆

用伸薦拔日夜虔誠丹心懇禱應時苦厄

得消除無量真人稽首讚嘆咸稱善果利益衆生如是大神通力百千萬劫實難遭遇則於此經其意有七一者智得二者行解三者顯利四者利用五者智慧六者得力七者德

滿智得者念念是心行解者求道出家顯利者引接衆生利用者思念聖人智慧者得大神力得力者得無所畏德滿者神通自在如是七者去來往返無所滯礙故有如是微妙

與諸衆生用為法藥濟度諸厄疾病苦惱若善男女能得了解得真實言說識大法力宗源入大道因緣從所念處得無量因緣得無上至真大智慧深妙難思終始受持勿生懈

怠永存無盡用是而行皆還正性應用自得深遠感應真實無邊無限示諸衆生皆得如是方便之力而說偈曰

大道一切平等無礙大衆所行小衆所用不假不實不有不無轉入法輪終始成就但有妙相無為不為無量因緣或去或來而成正悟真為妙身皆成微妙悉從願來

小劫經靈符

靈符

太清境小劫經終